

1,351 guru daftar PJJ UPM-KPM

Oleh Noor Eszereen Juferi
bhvarsiti@bharian.com.my

SERDANG: Seramai 1,351 guru mendaftar sebagai pelajar Ijazah Pendidikan (Pendidikan Sekolah Rendah) dengan kepujian Universiti Putra Malaysia (UPM) secara Pendidikan Jarak Jauh (PJJ) menerusi program pensiswazahan guru UPM-Kementerian Pelajaran, baru-baru ini.

Dekan Fakulti Pengajian Pendi-

kan UPM, Prof Dr Ab Rahim Bakar, berkata daripada jumlah itu, 1,257 pelajar mengambil pengkhususan bahasa Melayu (BM) sementara 94 lagi memilih bahasa Inggeris (BI).

Katanya, program empat tahun itu memudahkan pelajar kerana mereka tidak perlu ke UPM untuk sesi pembelajaran sebaliknya menghadirkan diri ke Pusat Pembelajaran di setiap negeri yang dikendalikan UPM Education & Training Sdn Bhd (UPMET).

Pelajar orang kelainan upaya (OKU),

Kevin Mak Wai Kim, antara pelajar baru program pengkhususan BI dan bera- zam membuktikan kekurangan fizikal tidak membantutkan hasrat golongan istimewa menyambung pengajian.

“Segala ilmu dan pengalaman yang diperoleh menerusi program ini akan saya kongsi bersama murid di Sekolah Kebangsaan Pendidikan Khas Pender- ngaran Batu Pahat, Johor,” katanya.

Pasangan suami isteri, Roslan Samad dan Zuriyati Mahamed yang mengikuti program pengkhususan BM, berkata peluang pengajian flek- sibel itu wajar dimanfaatkan pendidik yang berkeluarga untuk meningkat- kan kemahiran mereka.

“Profesion keguruan pendidikan sekolah rendah akan lebih berkualiti dengan adanya program pengajian seumpama ini yang ditawarkan UPMET,” kata mereka.

Sementara itu, Ketua Pegawai Eksekutif UPMET, Prof Dr Abdul Aziz Saharee, berkata pelajar PJJ adalah aset penting dalam masyarakat dan pekerjaan.

“Pelajar PJJ bertanggungjawab belajar bersungguh-sungguh dan memperoleh pencapaian cemerlang dalam akademik untuk menunaikan tanggungjawab sebagai pelajar uni- versiti walaupun sudah mempunyai kerjaya,” katanya.



SEBAHAGIAN guru yang hadir pada majlis pendaftaran pelajar baru program pensiswazahan guru.